

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 30.07.2018թ. թիվ 1808379867 և 30.07.2018թ. թիվ 1808380564 որոշումները անփոփոխ, իսկ վարչական բողոքն առանց բավարարման թողնելու և նշանակված տուգանքների գումարի վճարումը 6 ամսով տարաժամկետելու մասին

<<07>> 09 2018թ. 17-13-89106-18/17-13-1025Մ

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Ավետ Հովհաննիսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Եղիշե Թադևոսյան նրբանցքի 7-րդ շենքի 21-րդ բնակարանի բնակիչ Ավետ Հովհաննիսյանը դիմումով խնդրել է անվավեր ճանաչել կատարված երթևեկության կանոնների խախտման համար կայացված ճանապարհային ոստիկանության վարչական տույժ նշանակելու մասին 30.07.2018թ. թիվ 1808379867 և 30.07.2018թ. թիվ 1808380564 որոշումները՝ նշելով, որ բացակայել են ճանապարհային նշանները, միաժամանակ խնդրել է տուգանքի գումարի վճարումը տարաժամկետել 6 ամսով:

Դիմումի քննարկման արդյունքում պարզվել է, որ դիմումատուի խնդրանքը անհիմն է հետևյալ պատճառաբանությամբ.

Հայաստանի Հանրապետությունում տեղադրված բոլոր արագաչափ սարքերը ստուգաչափված են Հայաստանի Հանրապետության Տնտեսական զարգացման և ներդրումների նախարարության <<Հափազիտության ազգային ինստիտուտ>> ՓԲԸ-ի կողմից և դրանց արձանագրած արագությունը համապատասխանում է տրանսպորտային միջոցների փաստացի արագությանը:

Դիմումատուին վարչական պատասխանատվության ենթարկելու մասին որոշումների հիմքում դրված լուսանկարներում նշված է տրանսպորտային միջոցի երթևեկության գոտին, ուղղությունը, ինչը չի կարող կասկածի տակ դնել իրավախախտումները հենց այդ տրանսպորտային միջոցով կատարելու փաստը:

Ինչ վերաբերում է ճանապարհային նշանների բացակայությանը, ապա Դիլիջան քաղաքում և Բերդական գյուղի ճանապարհահատվածներում բոլոր ուղղություններով տեղադրված են 5.23.1 <<Բնակավայրի սկիզբ>> և 5.24.1՝ <<Բնակավայրի վերջ>> ճանապարհային նշանները:

Նկատի ունենալով, որ դիմումատուն Վարչական իրավախախտումների վերաբերյալ ՀՀ օրենսգրքի 305-րդ հոդվածի 2-րդ մասով սահմանված ժամկետում դիմել է տուգանքների գումարի վճարումը տարաժամկետելու խնդրանքով, ուստի այն ենթակա է բավարարման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով և 305-րդ հոդվածի 2-րդ մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 30.07.2018թ. թիվ 1808379867 և 30.07.2018թ. թիվ 1808380564 որոշումները թողնել անփոփոխ, իսկ վարչական բողոքն առանց բավարարման:
2. Ճանապարհային ոստիկանության վարչական տույժ նշանակելու մասին որոշումով նշանակված տուգանքի գումարի վճարումը տարաժամկետել 6 ամսով 03.08.2018թ.-ից:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Ավետ Հովհաննիսյանին:

